



Departamento
di **Mucha y Hoben**

DECEMBER 2023


Boletín Informativo

EDICION # 4



CONTENIDO:

- **UN AÑA HOPI FRUCTIFERO**
- **CENTRO DI CUIDO DI MUCHA**
- **CODIGO DI PROTECCION**
- **INTERVENCION TREMPAN**
- **PALABRA FINAL**



UN AÑA HOPI FRUCTIFERO

Aña 2023 tabata simpelmente un año sumamente exitoso y fructifero pa Departamento di Mucha y Hoben! Cu masha orguyo y satisfaccion e team di DMH ta wak bek riba 12 luna, yena di desaroyo positivo y resultado grandi. Como DMH nos por bisa cu seguridad cu nos a logra varios 'milestone' hunto cu diferente instancia y profesional, cu lo tin impacto impresionante pa henter comunidad.

Implementacion di Ordenansa Nacional di Centro di Cuido di Mucha, cu despues di 30 año finalmente a drenta na vigor; DMH a haci su prome año di existencia oficialmente; lansamento di Toolkit digital, cu ta considera un herment hopi innovativo cu contenido local; revista Asertivo pa duna highlight na e gran trabou y dedicacion di nos

profesionalnan den veld; colaboracion cu varios partner strategico; sigui crea durabilidad y responsabilidad cu nos comunidad, specialmente nos muchanan; 17 Supervisor di Código mas den nos organizacionnan local; e prome pasonan concreto di Código di Proteccionh den e area recreativo/deportivo.

DMH su exito ta un refleho di colaboracion y cooperacion continuo cu diferente profesional y organizacion, unda cada miembro di DMH ta traha cu pasion, determinacion y comprometi pa haci un diferencia. Na momento cu ta papia di sea surpasa reto, celebra exito of sostene otro, e team di DMH a demostra cu colaboracion continuo cu e profesionalnan den diferente sector ta e yabi pa e prestacionnan extraordinario.



CENTRO DI CUIDO DI MUCHA

STAGIAIRES DI CHRISTELIJKE HOGESCHOOL WINDESHEIM DI ZWOLLE

Manera DMH ya a informa den varios comunicado, e **Ley di Centro di Cuido di Mucha a drenta na vigor dia 15 di augustus 2023** y DMH kier brinda sosten y ayudo na e Centronan di Cuido di Mucha cu e fase di implementacion aki. Surella Croeze, kende actualmente ta laborando na Departamento di Mucha y Hoben como Beleidsmedewerker, a crea e conexion necesario pa Aruba por ricibi 'stagiaires' di Windesheim, particularmente **den e area di maneho di Centro di Cuido di Mucha (kinderopvang)**.



Windesheim a haci un bishita laboral den e siman di 6 te cu 10 di noviembre 2023 y esaki tabata uno **hopi productivo y inspirativo**. Sven Wierda (International Coordinator Health Care and Social Work Division), Miranda Semeleer (Opleidingsmanager en docent PMKE) y Willemijn van Gelderen (Rolhouder praktijkleren en docent PMKE) di Christelijke Hogeschool Windesheim a keda **hopi impresiona cu e diversidad amplio cu tin den e Centronan di Cuido di Mucha na Aruba**, ya cu nan a haya oportunidad di bay uno den tur districto di Aruba.

Awor ta inicia e siguiente pasonan pa futuro, cu ta haya studiante, cu por **asisti y brinda sosten na e cabesante/propietario cu diferente aspecto di maneho, manera; crea/revisa/implementa nan plan pedagogico, forma comision di mayor, haci un encuesta di satisfaccion bou di e mayornan di e Centro, etc.** Tambe a sinta cu diferente stakeholders crucial, cu ta traha cu e sector aki di Centro di Cuido di Mucha na Aruba.

E bishitantenan aki a logra di concretisa y alabes presenta e plan na nan scol, pa asina den **januari 2024, DMH cuminsa ricibi dos studiante.**



DMH kier **gradici di curason** e siguiente Centronan di Cuido di Mucha, como tambe e stakeholders cu a **habri nan porta pa e profesionalnan aki y comparti e informacionnan relevante, crucial y sincero durante e bishita aki.** Un danki di curason ta bay na: **Kinderdagverblijf Chinchirinchi** (Noord), **M-Joy Childcare Center** (Sero Biento), **Shami's Creche** (San Nicolas), **Belle Bambino Kinderdagverblijf** (Tanki Leendert), **E Barco Di Noah Kinderdagverblijf** (Santa Cruz), **Het Kinderparadijs** (Oranjestad), **Poeroenchi Kinderopvang** (Paradera), **University of Aruba, Cas Marie**, centro di encuentro pa persona cu Demencia y nan Famia, **Fundacion Pa Nos Muchanan** y **Colegio EPI.**



DEPARTAMENTO DI MUCHA Y HOBEN A CELEBRA GRADUACION DI 49 CABESANTE DI SCOL DI CUIDO

Dia 9 di decembre 2023, a tuma lugar un exitoso evento di **Graduacion MBO-3 SPW pa e cabesantenan di Centro di Cuido di Mucha**. Un estudio unico y nobo, estilo di BBL, esta ta combina estudio cu trahamento, cu a keda forma pa Departamento di Mucha y Hoben (DMH), Fundacion Enseñansa Profesional Arubano (FEPA) y Inspectie van Onderwijs, cu sosten financiero di Ministerio di Husticia y Asuntonan Social. Tres aña despues, DMH por wak bek riba un resultado exitoso di **96% di graduado di un estudio**.



EMPOWERED
WOMEN
EMPOWER
WOMEN



E trayecto a inicia na 2021, acumulando tur informacion relevante di veld pa e estudio, den un colaboracion structural DMH, FEPA y Inspectie van Onderwijs. **Ejecucion di MBO-3 SPW tabata casi 2 aña y tabata den man di FEPA.** E cabesantenan a recibi diferente materia, manera; strategia di diferente tipo di comunicacion, plan pedagogico segun e normanan di e ley, idioma di Papiamento y plan di calamidad y mas.

Graduacion di **49 di e 51 studentenan**, DMH ta hopi satisfecho y ta un muestra di **disciplina, determinacion y dedicacion di e cabesantenan.**

DMH y Ministerio di Husticia y Asuntonan Social a duna reconocemento na e **tres mihi graduadonan:**

- 1. Geraldine Libiee**
- 2. Maria Veneranda Arends**
- 3. Vivianne Arends.**



Tambe DMH a duna reconocemento special na dos **2 studiante** cu a sobresali pa su **positivismo, determinacion y rol model** como studiante: **Christeca Ignacio di klas 1 y Jacqueline Martijn di klas 2.**

DMH ta aplaudi tur e Centronan di Cuido di Mucha aki, ya cu **nan ta oficialmente registra tambe den e registro nacional di Aruba!** Pues DMH ta bolbe haci un apelacion, si bo Centro di Cuido di Mucha NO ta aparece riba e lista di Registracion Oficial riba website www.dmh.aw, tuma contacto inmediatamente pa cuminsa e proceso di regisra.






SUPERVISION DEN CENTRO DI CUIDO DI MUCHA

Un di e aspectonan mas importante **pa garantisa cuido di calidad y seguridad** den un centro di cuido di mucha, ta e parti di supervision y ehecucion di e Ordenansa Nacional 'Kinderopvang' (AB 2017 no. 38). Despues di **3 año trahando** structuralmente y determina, DMH a logra pa esaki bira un realidad y ta contento cu por a logra esaki.

Den año 2024 DMH **lo cuminsa cu supervision** den e Centronan di Cuido di Mucha, segun un schedule. E centronan cu a cumpli cu nan parti administrativo completo den 2024, lo ta e promenan cu lo haya e bishita di supervision. A base di e documento '**Handleiding Kwaliteitseisen Kinderopvang Aruba**', DMH lo supervisa si e Centronan ta cumpli cu esaki, cu **excepcion pa algun aspecto**. E meta di e bishita aki ta pa di e forma oficial, DMH indica kico asina e centro falta pa haya su prome permiso pa opera.

DMH ya ta trahando riba e schedule y **manera cu 2024 habri**, e centronan concerni lo haya informacion y fecha di bishita. Mester remarca si, cu ainda **falta varios centro pa entrega algun papel administrativo** y si esaki no ta e caso, ta haci un apelacion pa boso cumpli cu esaki mas pronto cu ta posibel.



CODIGO DI PROTECCION




Training Supervisor di Código 2023

Den pleno comienzo di luna di noviembre 2023, cual ta e luna cu DMH ta enfoca pa duna contenido na Dia di Derecho Internacional di Mucha, DMH su team di sosten di Trainers CdP a percura pa e training di Supervisor di Código. E training a ranca sali cu un **grupo nobo di 17 profesional**, cu ta percura pa ehecuta e rol aki den diferente organisacion manera; **Bureau Traimerdia, Stichting Imeldahof, IBISA, YMCA, Stichting Creciendo, FPNM, ATHA, DVG, HCLF, CEDEMH y TpH.**



Nos no por keda sin menciona cu e participacion tabata uno sumamente activo, cu un **motivacion grandi**, p'e topiconan di Código di Protecion y Maltrato di Mucha. E training aki a termina dia 10 di noviembre exitosamente, otorgando certificado reconoci pa DMH y LVAK di Hulanda na tur 17 participante.

Un biaha mas **Masha Pabien** cu boso logro y cu boso keda inspira y motiva pa eherce e bunita rol di Supervisor di Código den boso organizacion.



Lansamento oficial di Toolkit digital y revista asertivo dia 20 november 2023

Riba dia International di Derecho di Mucha, Departamento di Mucha y Hoben (DMH) a lansa e Toolkit di Código di Protección y e revista digital; asertivo. Ambos herment ta diseña tecnicamente pa e organisacion, AUGEO Foundation di Hulanda, cu sosten di UNICEF Hulanda y cu fondo di Union Europeo.


E contenido di tur ambos herment ta traha cu hopi esfuerzo, dedicacion y trabou di **nos propio profesionalnan** di e veld; Husticia, Enseñansa, Salubridad y Social. Hopi biaha nos no ta para keto, cuanto experticio y conocemento nos profesionalnan tin y cu nos no ta comparti.

DMH ta sumamente **agradici** na cada un di e profesionalnan aki, cu a sa di sostene, kere y traha hundo na un producto concreto y netamente cu **contenido local**, cu ta di un balor inmenso pa nos profesionalnan por anda cu e topico di maltrato di mucha y hoben na Aruba. E gran anochi aki a tuma lugar na Hyatt Airport y por a conta cu presencia di **mas di 100 invitado di veld**. Na casi final di e anochi, e profesionalnan por a skirbi nan compromiso tambe como profesional cu ta traha cu Código di Protección, pa conhumentamente nos sigui crea un mihi Aruba pa nos mucha- y hobennan, haciendo nos mucha- y hobennan mas asertivo y resiliente.



Ministerio di Justicia y Asunton Social AUGEO FOUNDATION Departamento di Mucha y Hoben Co-funded by the European Union unicef pa tur mucha





Training Manual Digital Toolkit y brainstorm Plataforma di Supervisor di Código

Durante un mainta interactivo, DMH a para keto un rato pa brinda e conocemento necesario na un **manual di sostén** na momento cu kier haci uso di e herment di Online Toolkit. E mainta tabata pa e **10 Trainers di Supervisor di Código**, unda a presenta nan Toolkit digital, di cual nan por uz'e sea durante training cu otro Supervisor di Código of cu otro colega den nan mesun organisacion.

E herment di Tookit digital ta **disponible** riba e website: www.codigodiproteccion.com y ta **accesible** pa tur profesional na momento cu sea nan tin pregunta y/of ta desea mas **guía y/of conocimiento digital**, ora cu nan encontra un situacion di sospecho di abuso di mucha.

Tambe a delineo algun idea practico con por sigui cu trayecto di un platforma di Supervisor di Código, cu ya ta consisti di **60 profesional den diferente sector laboral**.





Recapacitacion pa Supervisor di Código den forma di Carousel

Dia 28 di noviembre DMH a brinda 1 dia di recapacitacion na e **43**


Supervisornan di Código, pa asina mantene conocimento y habilidad profesional, na momento cu mester traha cu sospecho di abuso di mucha.

E localidad di John F.Kennedy Education Center, tabata ideal pa eherce un mainta estilo di carousel, cual tabata pa **80% atendi**.



E año aki a opta pa brinda mas sosten na e habilidad di anda cu e combersacionnan desafiente y tambe a compila e ideanan pa e contenido y forma di un **Platforma di Supervisor**. A percura tambe pa duna atencion na e Manual di Toolkit, p'asina e SdC tambe ta informa di e manual aki y con nan por uz'e den nan organisacion den 2024.

Team di DMH ta sumamente contento y satisfecho cu e participacion activo di nos profesionalnan, unda cu nan mes a indica e gran balor agrega di e dia como e ampliacion di **experticio necesario**, pa asina nan por anda mihor ainda cu prevencion di abuso di mucha.






Presentacion di CdP y Toolkit digital na e studiantenan di Universidad di Aruba

December a habri y DMH a presenta informacion concreto y relevante, compaña cu algun tips practico, relaciona cu e ley di Código di Protección, na e studiantenan di e ultimo año di studio: **Social Worker & Development na Universidad di Aruba.**

Ta di sumo importancia pa yuda prepara y ekipa nos futuro profesionalnan den e veld social, specialmente ora encontra caso di sospecho di abuso di mucha. DMH a haci uzo tambe di e Toolkit Código digital, pa mustra con practico y eficiente por haya mas informacion y con nan mes por tuma iniciativa profesional, pa ta mas ekipa pa anda cu Código di Protección.

E sosten cu DMH ta brinda na e studiantenan aki, ta na su lugar, mirando cu manera **cu año 2024, nan lo bay dedica na nan ultimo pasantia** y nos lo desea pa e studiantenan aki ta prepara pa por yuda mira y anda mas mihor cu ta posibel na momento cu encontra un caso di sospecho di abuso di mucha.





Scouting & Parlamento Hubenil

E trayecto di implementacion di nos Código di Protección a yega na e gruponan di Scouting. Scouting tin su mesun "**Safetycode**"

internacional, ora ta trata di abuso di mucha. DMH a traha un modelo concepto, na unda a incorpora e 5 pasonan di nos CdP cohuntamente cu e lineanan di e "Safetycode" di Scouting. Di e forma aki DMH lo percura pa yega na un solo protocol CdP, pa asina garantisa e seguridad di nos muchanan, cu ta miembro di un di e gruponan di scouting. Comienso di año 2024 DMH lo sigui activamente pa cohuntamente cu e directiva di scouting **incorpora y structura** e implementacion di CdP.

Parlamento Hubenil su directiva ta cla pa DMH haci un **presentacion** di e CdP na e miembranon di **Parlamento Hubenil** y mesora DMH lo percura pa yega na e palabacionnan necesario pa cuminsa e trayecto di implementacion di CdP.




IBiSA y Mundo di Deporte

Riba 23 di juni 2023 DMH a duna e personal di IBiSA un presentacion di e CdP. IBiSA ta un **departamento hopi importante y sigur e protocol di CdP lo haya su lugar debido**. Tin diferente instructor di deporte trahando na varios scol basico y e instructornan di deporte ta experiencia hopi situacion, unda por tin indicacion di abuso di mucha.

Team di DMH a percura cu e personal di IBiSA ta bon ekipa, pa asina nan por anda cu e señalnan concreto di abuso di mucha. **IBiSA awor ta conta cu dos Supervisor di Código**, cu por guia e otro coleganan profesional na momento cu mester aplica e pasonan di CdP.

Tambe team di DMH a tene un presentacion pa **Aruba Sport Unie (ASU)** riba 16 augustus 2023, unda e CdP a wordo introduci y tambe a palabra cu na cuminsamento di 2024 lo cuminsa cu e trayecto di implementacion di e CdP **dentro di e federacionnan di deporte, cu ta resorta abou di ASU**.

Tin un **total di 25 federacion di deporte** cu lo haya e presentacion di CdP y lo traha un linea di tempo, pa asina percura cu tur federacion di deporte tin un protocol CdP den nan seno.



Workshop CdP y Online Toolkit

Dia 22 di november 2023 team DMH a tene un workshop CdP y e Toolkit digital, pa un grupo grandi di boluntario, cual a suma **na 93 hende total**; club di deporte, organisacion di vakantiekamp, varios federacion di deporte, e personanan cu ta traha cu mucha den Scouting, personal di IBISA y e boluntarionan di diferente misa riba nos isla.

E workshop a resulta di ta uno sumamente importante pa e boluntarionnan cu ta traha cu mucha y tur ta dispuesto pa inicia e trayecto aki den nan organisacion y asina nifica algo mas pa nos mucha- y hobennan.



Planificacion 2024 CdP



Na cuminsamento di 2024 team DMH lo cuminsa cu e trayectonan di implementacion di e CdP dentro e mundo di deporte. DMH lo cuminsa cu e federacionnan cu ta afilia na ASU. Tambe lo finalisa e trayecto di implementacion den e mundo di Scouting na Aruba.

Banda di e trayectonan di implementacion di e CdP lo cuminsa un training nobo di Supervisor diCodigo pa e mundo di deporte. Asina lo percura cu **tur persona, trahando como profesional of boluntario den e mundo di deporte**, ta haya un Supervisor di Código cu lo guia e profesionalnan como e boluntarionan con pa aplica e 5 pasonan di CdP.



INTERVENCION TREMPAN



Het Nationaal Onderwijs Congres Caribbean 2023

Den luna di october ultimo Departamento di Mucha y Hoben a asisti na Het National Onderwijs Congres Caribbean 2023 cu a tuma lugar na Colegio Arubano. Het Nationaal Onderwijs Congres Caribbean tabata organisa **bou iniciativa di de Rolf groep di Hulanda.**



Intervencion Trempan den Centro di Cuido di Mucha tambe tabatin e oportunidad haci un presentacion riba e topico: "Vroegtijdige Zorgstructuur Kinderopvang". E presentacion tabata uno sigur interesante y relevante, mirando cu e grupo cu a asisti na e workshop aki tabata consisti di e cabesante- y trahadornan pedagogico di e Centronan di Cuido di Mucha. Na final di e presentacion **e profesionalnan tabata hopi positivo y ta mira sigur e necesidad di e programa aki den forma structural y duradero** pa nos muchanan cu ta bishita un centro di cuido di mucha.

DMH ta aplaudi e iniciativa aki y ta felicita y gradici Rolf groep pa e oportunidad como tambe pa trece diferente experto di exterior, pa sigui educa nos profesionalnan mas ainda, pa nan sigui desaroya nan mes. DMH sigur ta aprecia e confiansa y colaboracion cu De Rolfgroep, cu ya caba ta trahando riba contenido pa 2024. **Un apelacion ta bay na tur den veld, pa 'save the date' pa 5 di november 2024!**

Happy Conference 2023

Di parti di e organisadornan di Happy Conference 2023, DMH a ricibi un invitacion pa forma parti di e tremendo **Happy Expo Lounge** di Happy Parents Happy Children, unda a presenta loke ta trata Intervencion Trempan den Centro di Cuido di Mucha. Tabata dos anochi yena cu informacion, unda cu DMH a duna tanto na e mayornan como e educadornan cu a bishita nos "information booth". DMH ta **sumamente contento cu e reaccion di e bishitantenan**, ya cu nan a considera esaki como un informacion sumamente balioso y relevante, mirando e gran importancia di Interveni Trempan den bida di nos muchanan.



HAPPY PARENTS HAPPY CHILDREN CONFERENCE In Honor of International Children's Day

Como mayor y educador ta nos tarea pa crea miembro di nos comunidad independiente. No tin un mihor manera pa haci esaki cu **interveni trempan**, for di momento cu señala un necesidad special riba un di **5 areanan di desaroyo: cognitivo, comunicativo, fisico, social-emocional y adaptivo**, pa asina brinda nos muchanan un oportunidad igual pa por atende un tipo di scol adecua.



DMH kier manda un palabra di **pabien na e organisadornan** di Happy Conference Aruba y sigur **danki pa e invitacion y confiansa** cu nos di Departamento di Mucha y Hoben a ricibi.

Lansamento di video di Intervencion Trempa.



Dia 29 di november 2023, DMH cu **colaboracion di Bureau Multidisciplinair Centrum, Minister di Asuntonan General y Kiwanis Club of Palm Beach** a lansa 5 video informativo di e programa Intervencion Trempa.

E meta ta pa crea conscientisacion tocante DMH su sistema di Intervencion Trempa di **muchu 0-4 año, cu ta atende un Centro di Cuido di Mucha registra na Aruba** y tambe pa brinda **tips practico na e mayornan**, tocante con pa stimula desaroyo di comunicacion cerca mucha di 0-4 año.



Sigur DMH ta hopi contento y agradecido na tur partner, pasobra **hunto nos ta demostra di por logra hopi** mas den bienestar general di nos muchanan.

Pa año 2024 e programa di Intervencion Trempa sigur lo percura pa lansa mas video, cu e meta pa **sigui conscientisa tanto e mayornan y nos educadornan.**

Si no a logra wak e videonan ainda? **Por bishita nos website www.dmh.aw of scan e Qr-code.**





Foyeto Intervencion Trempan

Intervencion Trempan tin su Foyeto!! Como profesional bo tin duda of tin **preocupacion den e desaroyo di un mucha of bo a señala un retraso** y/of reto riba e 5 areanan di desaroyo? Bo kier duna e mayornan mas informacion? Bo kier sa mas con e mucha por forma parti di Intervencion Trempan di Departamento di Mucha y Hoben (DMH)?

Bishita nos website **www.dmh.aw** of yama pidi pa bo foyeto di Intervencion Trempan den Centro di Cuido di Mucha y asina brinda tur informacion corecto y adecua na bo mayornan.

Con pa forma parti di e programa Intervencion Trempan?

Step 1: E mucha mester ta bishita un Centro di Cuido di Mucha.
E Centro di Cuido di Mucha mester ta registrada en DMH y ta aparece riba e lista di Registracion Nacional. Isto: www.dmh.aw

Step 2: Yena e Milestone Checklist
Tanto e mayornan) como e trabajador pedagogico ta yena e "Developmental Milestones Checklist" (lista di e metane di desaroyo cu ta dispone, den 3 differente idioma riba e website di DMH: www.dmh.aw)

Click riba e tab di **Informacion** - Selecta Intervencion Trempan y click Ami ta un Mayor.

Step 3: DAYC-2 Assessment
E screening "Developmental Assessment for Young Children Second Edition (DAYC-2)" ta tuma lugar na e centro di cuido di mucha, unda cu e profesional di Intervencion Trempan ta observa e mucha constantemente, a base de varios actividad di juego, pero sempre den companya di un mayor.

Step 4: Resultado
Ta entrega un rapport dotcya cu resultacionan di e DAYC 2 na e mayornan companya cu un carta di referencia cu evolucion adicional cu e profesional di DMH ta recomienda.

Ta entrega un plan di accion (Handelingsplan) na e mayornan y e centro di cuido di mucha, unda cu e profesional di Intervencion Trempan ta elabora un plan estructural, individual, cosa riba e mucha su estad biologico como su necesidadan specifico di cada area cu deficiencia.

Step 5: Dokter di cas
E mayornan por riba e carta di referencia, cu nan ta notifi di DMH, na e han dokter di cas plasma haya un carta di referencia (verwijsbrief) pa e specialistan/recomienda. E carta aki ta importante pa e muchanen haya e ayuda y susten profesional referi mas luer cu se posibl y la responsabilidad di e mayornan pa sigui e proceso cu dokter di cas.

Step 6: Terapista di desaroyo
Si bo ylu qualific pa recibi servicio di un terapista di desaroyo, e especialista di DMH ta traha un schedule pa brinda bo ylu servido individual na e centro di cuido di mucha.

Ki beneficio e mucha lo tin si interveni trempan?

- ★ Intervencion Trempan ta brinda apoyo, guia y informacion na e mayor(nan), pa asina yuda e mucha(nan) na un edad hopi mas trempan y ta haya se mas di cada mucha su habilidad y/of desaroyo.
- ★ Ta mejora comportacion di e mucha y ta permiti e mucha logra su potencial maximo.
- ★ Ta preveni y atende cu e retraso(nan)/desafio(nan) riba e areanan di desaroyo cognitivo, comunicativo, fisico, social emocional y adaptivo.

INTERVENCION TREMPAN

Den Centro di Cuido di Mucha



FOYETO PA MAYOR



PA MAS INFORMACION:



Departamento di Mucha y Hoben

5281131/ 528-1245/ 528-1247

dmharuba@gmail.com/ info@dmh.aw

www.dmh.aw

Belgestraat #2

Oranjestad, Aruba

PALABRA FINAL

DMH kier gradici di curason cada un di boso pa e excelente trabou haci den 2023, ya cu **cada un di boso a aporta na e logronan extraordinario di 2023.**

Boso experticio-, conocemento- y experiencianan ta sumamente aprecia y balora. Laga nos brasa 2024 cu mas energia, motivacion, consistencia y compromiso laboral pa **sigui traha hunto pa nos mucha- y hobennan** ta mas asertivo y resiliente na Aruba.





SUE-ANN RAS



528 1245

- Beleidsmedewerker Ministerio di Husticia y Asuntonan Social encarga cu maneho di DMH



SURELLA CROEZE



528 1247

- Beleidsmedewerker
- Supervisor di Código pa Centronan di Cuido di Mucha



EFRAIM SUURENDONK



528 1271

- Beleidsmedewerker



JULLIE-ANN THODE



528 1189

- Medewerker Beleid en projecten



MIRTA LEON



528 1246

- Toezichthouder Uitvoering Kinderopvang



STEFANIE TROMP



528 1131

- Medewerker Beleid en projecten
- Lider di proyecto Intervencion Trempan